

天聖明道本國語

一
函
四
冊
函

國語卷第四

魯語上

韋氏解

長勺之役曹劌問所以戰於莊公

長勺魯地曹劌魯人也莊公魯桓公之子莊公同也初

齊襄公立其政無常鮑叔牙曰君使民慢亂將作矣奉公子小白奔魯魯莊八年齊無知殺襄公管夷吾邵忽奉公子糾來奔魯九年夏莊公伐齊納子糾

小白自莒先入與莊公戰于乾時莊公敗績故十年齊伐魯戰于長勺也公曰余不愛衣食於民有惠賜也不

愛牲玉於神

牲犧牲玉珪璧所以祭祀也詩云靡愛斯牲珪璧既卒

對曰夫惠本而後民

歸之志

惠本謂樹德施利也歸之志歸於上

民和而後神降之福

降下也民神之主故民和神乃降福

若布德于民而平均其政事君子務治而小人務力動

不違時財不過用

不過用禮也

財用不匱莫不能使其祀

無不

供祀非獨已也

是以用民無不聽求福無不豐今將惠以小賜

祀以獨恭

小賜臨戰之賜獨恭一身之恭也

小賜不咸獨恭不優

咸備也優裕也

咸民不歸也不優神弗福也將何以戰夫民求不匱

於財而神求優裕於享者也裕饒也享食也民和年豐為優裕也故不可以

不本本先利民莫不共祀也公曰余聽獄雖不能察必以情斷之訟獄

也對曰是則可矣可者未大備可以一戰傳曰齊師敗績也知夫苟中心圖民智雖

弗及必將至焉苟誠也言誠以中心圖慮民事智雖有所不及必將至於道也

莊公如齊觀社莊公二十三年齊因祀社蒐軍實以示客公往觀之也曹劌諫曰不可夫

禮所以正民也是故先王制諸侯使五年四王一相朝

賈侍中云王謂王事天子也歲聘以志業間朝以講禮五年之間四聘於王而一相朝朝者將朝天子先相朝也唐尚書云先王謂堯也五載一巡守諸侯四朝昭謂以堯典

相參義亦似之然此欲以禮正君宜用周制禮中國凡五服遠者五歲而朝禮記曰諸侯之於天子也此年一小聘三年一大聘五年一朝謂此也晉文霸時亦取於此

也終則講於會以正班爵終畢也講習也班次也謂朝畢則習禮於會以正爵位次序尊卑之義也之義

帥長幼之序訓上下之則也帥循制財用之節謂牧伯差國大小使受貢職也其

間無由荒怠

其間朝會間也

夫齊棄太公之法而觀民於社太

齊始祖太公望也

君為是舉

舉動也

而往觀之非故業也

業事也

何以

訓民土發而社助時也

上發春分也周語曰土乃脉發社者助時祈福為農始也

收攢而蒸

納要也

攢拾也冬祭曰蒸因祭社以納五穀之要休農夫也月令曰孟冬祀于天宗大祀于公社及門閭也

今齊社而往

觀旅非先王之訓也

旅眾也

天子祀上帝

上帝天也

諸侯會之受

命焉

助祭受政命也

諸侯祀先王先公

先王謂若宋祖帝乙鄭祖厲王之屬也先公先君也

卿大夫

佐之受事焉

事職也

臣不聞諸侯相會祀也祀又不法

不法謂觀民也

君

舉必書

動則左史書之言則右史書之

書而不法後嗣何觀公不聽遂如齊

莊公丹桓宮之楹而刻其桷

桓宮桓公廟也楹柱也唐云桷桷頭也昭謂桷一名桷今北土云亦然爾

雅曰桷謂之桷莊公娶于齊曰哀姜哀姜將至當見於廟故丹柱刻桷以夸之也

匠師慶言於公

匠師慶掌匠大夫禦孫之

名也曰臣聞聖王公之先封者

謂若湯武周公太公也

遺後之人法使

無陷於惡其為後世昭前之令聞也為猶使也使長監於世

監觀觀世成敗以為戒也故能攝固不解以久攝持也今先君儉而君侈先君

桓公也令德替矣替滅也公曰吾屬欲美之屬適也適欲自美之非先君意也對曰

無益於君而替前之令德臣故曰庶可已矣已止也公弗聽

哀姜至公使大夫宗婦覲用幣宗婦同宗大夫之婦也覲見夫人也用幣言與大夫同贊也

宗人夏父展曰非故也宗人宗伯也夏父氏也展名也宗伯主男女贊幣之禮故故事也公曰君

作故言君所作則為故事也對曰君作而順則故之逆則亦書其逆

也臣從有司懼逆之書於後也故不敢不告從有司言備位隨從有司

從行也夫婦贊不過束棗栗以告虔也束取蚤起栗取敬栗虔敬也曲禮曰婦人之贊脯脩棗栗

男則玉帛禽鳥以章物也謂公執桓圭侯執信圭伯執躬圭子執穀璧男執蒲璧孤執皮帛卿執羔大夫執鴈

士執雉庶人執鵷工商執雞也章明尊卑異物也今婦執幣是男女無別也男女之別

國之大節也不可無也公弗聽

魯饑臧文仲言於莊公

魯饑在莊公二十八年文仲魯卿臧哀伯之孫伯氏鞌之子臧孫辰也

曰夫為

四鄰之援

援所攀援以為助也

結諸侯之信重之以婚姻申之以盟

誓

申重也

固國之艱急是為

艱難也是為為難急也

鑄名器

名器鍾鼎也

藏

寶財

寶財玉帛也

固民之殄病是待

殄絕也病餓也

今國病矣君盍以

名器請糴于齊

盍何不也市穀曰糴

公曰誰使對曰國有饑饉卿

出告糴古之制也

告請也

辰也備卿辰請如齊公使往從

者曰君不命吾子吾子請之其為選事乎

選事自選擇於職事也

文仲曰賢者急病而讓夷

夷平也

居官者當事不避難

在位者恤民之患是以國家無違

無相違恨者也

今我不如齊非

急病也在上不卹下居官而惰非事君也文仲以鬯圭

與王磬如齊告糴

邕圭裸邕之圭長尺二寸有瓚以禮廟王磬鳴瓚也

曰天災流行戾于弊

邑饑饉荐降民羸幾卒

戾至也荐重也降下也羸病也幾近也卒盡也

大懼之周公

太公之命

祀

賈唐二君云周公為太宰太公為太師皆掌命諸侯之國所當祀也或云命祀二公也昭謂傳曰衛成公祀夏后相甯武子曰不

可以間成王周公之命祀職貢如此賈唐得之矣

職貢業事之不共而獲戾

戾罪也

不腆先君

之敝器

腆厚也

敢告滯積以紓執事

滯久也紓緩也執事齊有司也穀久積則將朽敗執事所

夏受也請之所

以救弊并邑使能共職豈唯寡君與二三臣實受

君賜其周公太公及百辟神祇實永饗食而賴之

辟君也賴蒙也

天曰神地曰祇百辟謂百君卿士有益於民者也

齊人歸其玉而予之糴

齊孝公來伐魯

孝公齊桓公之子孝公昭也魯僖公叛齊與衛昔盟于洮又盟于向故孝公我魯討此二盟

臧文

仲欲以辭告

欲以文辭告謝齊也

病焉

病不能為辭也

問於展禽

展禽魯大夫展禽也無駭之後柳下

惠也字展禽也

對曰獲聞之處大教小處小事大所以禦亂也

不聞以辭

獲展禽之名也御止也

若為小而崇以怒大國

崇高也謂自高也大不事大國也

使

加已亂亂在前矣

亂惡也

辭其何益文仲曰國急矣百

物唯其可者將無不趨也

百物之中可用行賂將無不趨言無所愛也

願以子之辭

行賂焉其可賂乎展禽使乙喜以膏沐犒師

乙喜魯大夫展喜也

犒勞也以膏沐為禮以義服齊明不以賂免之也

曰寡君不佞

佞才也

不能事疆場之司

司主也

疆場也

使君盛怒以暴露於弊邑之野敢犒與師

與眾也

齊

侯見使者曰魯國恐乎

使者乙喜也

對曰小人恐矣君子則否公

曰室如懸磬野無青草何恃而不恐

懸磬言魯府藏空虛如懸磬也野無青草旱甚也

故言何恃也

對曰恃二先君之所職業昔者成王命我先君周

公及齊先君太公曰女股肱周室以夾輔先王

先王武王也

賜

女土地質之以犧牲世世子孫無相害也

質信也謂使之盟以信其約也

君今

來討弊邑之罪其亦使聽從而釋之釋置也必不泯其社

稷泯滅也豈其貪壤地而棄先王之命其何以鎮撫諸侯

恃此以不恐齊侯乃許為平而還平和也

溫之會溫之會晉文公討不服也在魯僖二十八年也晉人執衛成公歸之于周成公恃楚而不

事晉又殺弟叔武其臣元咺訴之晉故文公執之事見周語中也使鑿鴆之不死鴆鳥也一名鸛日其羽有毒漬之酒而飲之立死傳曰晉

侯使鑿衍鴆衛侯密再會則其鑿薄其鴆而不死在魯僖三十年也鑿亦不誅不誅鑿者諱以行毒也臧文仲言於

僖公僖公莊公之子僖公申也曰夫衛君殆無罪矣刑五而已無有隱者

隱乃諱也隱謂鴆也大刑用甲兵賈侍中云謂諸夏不式王命以六師移之昭謂甲兵謂臣有大逆則被甲聚兵而誅之

若今陳軍也其次用斧鉞斧鉞軍戮書曰後至者斬中刑用刀鋸割剗用刃斷截用鋸亦有太辟故周

語曰兵在其頸其次用鑽笮鑽臍刑也笮黥刑也薄刑用鞭扑以威民也鞭官刑也

扑教刑也故大者陳之原野謂甲兵斧鉞也小者致之市朝刀鋸以下也其死刑大夫以上屍

諸朝士以下屍諸市

五刑三次是無隱也

五刑中兵斧鉞刀鋸鑽鑿鞭扑也次處也三處野朝市也

今晉人

鴈衛侯不死亦不討其使者

使者監衍也

諱而惡殺之也

諱殺衛侯

也有諸侯之請必免之臣聞之班相恤也故能有親

班次也恤憂也

言位次同者當相憂也

夫諸侯之患諸侯恤之所以訓民也

訓教也教相救恤也

君

盍請衛君以示親於諸侯且以動晉

動發晉侯之志也

夫晉新

得諸侯

新為伯也

使亦曰魚魯不棄其親其亦不可以惡

惡亦不可以

可惡魯也

公說行王二十穀乃免衛侯

雙王曰穀傳曰納王於王及晉侯皆十穀王許之

自是

晉聘於魯加於諸侯一等

貴其義也

爵同厚其好貨

爵與魯同

者特厚其好貨也

衛侯聞其臧文仲之為也使納賂焉辭曰外臣

之言不越境不敢及君

言臣不外交也

晉文公解曹地以分諸侯

解削也晉文公誅無禮曹人不服伐而執其君削其地也以分諸侯事在魯僖三十

一年取濟西田

僖公使臧文仲往宿於重館

重魯地館候館也周禮五十里有市市有候館也

重

館人告曰晉始伯而欲固諸侯

人守館之隸也固猶安也

故解有罪之地

以分諸侯

有罪謂不禮文公觀辭脅也

諸侯莫不望分而欲親晉皆將爭

先晉不以固班

班次也

亦必親先者吾子不可以不速行魯

之班長而又先

長猶尊先至也

諸侯其誰望之

誰敢望與魯為比也

若少安

恐無及也從之獲地於諸侯為多反既復命為之請曰

地之多也重館人之力也臣聞之曰善有章雖賤賞也

章明也

惡有豐雖貴罰也

豐寡北也

今一言而辟境其章大矣

辟開也

請賞之乃出而爵之

出出之於隸也爵爵為大夫也

海鳥曰爰居止於魯東門之外三日

爰居雞縣也東門城東門也

臧文仲

使國人祭之

文仲不知以為神也

展禽曰越哉臧孫之為政也

越遠也言其遠闊不知政

也要也夫祀國之大節也也節制而節政之所成也言節所以故慎

制祀以為國典典法也今無故而加典非政之宜也加益也謂以

也夫聖王之制祀也法施於民則祀之謂五帝殷以死勤事

則祀之殷冥水死周以勞定國則祀之虞幕夏桀殷上甲能禦大

災則祀之夏禹是也能扞大患則祀之殷湯周非是族也不在

祀典族類也昔烈山氏之有天下也烈山氏炎帝之號也起於烈其

子曰柱能殖百穀百蔬柱為后稷自夏以夏之興也周棄繼之

故祀以為稷夏之興謂禹也棄能繼共工氏之伯九有也共工氏伯

有城農之間其子曰后土能平九土其子共工之裔子勾龍也佐黃帝為土

日后土也故祀以為社社后土之神也黃帝能成命百物以明民共財黃

少典之裔子帝軒轅也命名也顓頊能修之顓頊黃帝之孫昌意之子帝嚳能亨

三辰以固民

固安也帝嚳黃帝之曾孫玄囀之孫蟠極之子帝高辛也三辰日月星謂能次序三辰以治歷明時教民稼穡以安也

堯

能單均刑法以儀民

堯帝嚳之庶子陶唐氏放勳也單盡也均平也儀善也

舜勤民事而

野死

舜顓頊之後六世有虞帝重華也野死謂征有苗死於蒼梧之野也

鯀鄣洪水而殛死

殛誅也鯀顓頊之後

禹之父也堯使治水鄣防百川績用不成堯用殛之於羽山禹為天子而郊之取其勤事而死也

禹能以德修鯀之功

鯀功雖不成禹亦有

契為司徒而民輯

契殷之祖為堯司徒能敬敷五教輯和也

冥勤

其官而水死

冥契後六世孫稷園之子也為夏水官勤於其職而死於水也

湯以寬治民而除其

邪

湯冥後九世主癸之子為夏諸侯以湯寬得民除其邪謂放桀扞大患也

稷勤百穀而山死

稷周棄也勤播百穀死於

黑水之山毛詩傳云

文王以文昭

文王演易又有文德周語曰文王質文也

武王去民之穢

穢謂紂也

故

有虞氏禘黃帝而祖顓頊郊堯而宗舜

賈侍中云有虞氏舜後在夏殷

為二王後故有郊禘宗祖之禮也昭謂此上四者謂祭天以配食也祭昊天於圓丘曰禘祭五帝於明堂曰祖宗祭上帝於南郊曰郊有虞氏出自黃帝顓頊之後故禘黃

帝而祖顓頊舜受禪於堯故郊禘禮祭法有虞氏郊嚳而宗堯與此異者舜在時則宗堯舜崩而子孫宗舜故郊堯也

夏后氏禘

黃帝而祖顓頊郊鯀而宗禹虞夏俱黃帝顓頊之後故禘祖之禮同虞以上尚德夏以下親親故

郊鯀也商人禘舜而祖契郊冥而宗湯舜當為嚳字之誤也禮祭法曰商人禘嚳嚳契父商

之先故禘之後鄭司農云商人宜郊契周人禘嚳而郊稷嚳稷之父稷周始祖也祖文王而宗武

王此與孝經異也商家祖契周公初時亦祖后稷而宗文王至武王雖承文王之業有伐紂定天下之功其廟不可毀故先推后稷以配天而後更祖文王而宗武王也

幕能帥顓頊者也有虞氏報焉幕舜後虞思也為夏諸侯帥循也顓頊有虞之祖也報報德

謂祭也杼能帥禹者也夏后氏報焉杼禹後七世少康之子季杼也能興夏道上甲微能

帥契者也商人報焉上甲微契後八世湯之先也高圉大王能帥稷者也

周人報焉高圉后稷後十世公非之子也大王高圉之曾孫古公亶父也凡禘郊祖宗報此五者

國之典祀也典法也加之以社稷山川之神皆有功烈於民者

也及前哲令德之人所以為明質質信也以其有德於民而祭之所以信之於民心也及天

之三辰民所以瞻仰也及地之五行所以生殖也殖長也五行五祀金木水火土

也及九州名山川澤所以出財用也謂九州之中名山川澤也非是不在祀

典今海鳥至已不知而祀之以為國典難以為仁且智

矣夫仁者講功講論也仁者心平故可論功也而智者處物處名無功而祀

之非仁也鳥無功也不知而不能問非智也今茲海其有災乎

夫廣川之鳥獸恒知避其災也是歲也海多大風冬

煖煖居之所避也文仲聞柳下季之言柳下展禽之邑季字也曰信吾過也季

子之言不可不法也使書以為三策策簡書也三策三卿卿一通也謂司馬司徒司空也

文公欲弛孟文子之宅文公魯僖公之子文公興也弛毀也孟文子魯大夫公孫敖之子伯穀也宅有司所居也公欲毀之以益

也官使謂之曰吾欲利子於外之寬者於外寬地以利子也對曰夫位政

之建也建立也位謂爵也言爵所以立政事也署位之表也署者位之表識也車服表之章

也車服貴賤有等宅章之次也有章服者之次舍也祿次之食也居次舍之所食也

君議五者以建政為不易之故也

五謂位署服宅祿也有其位則治其官服其章居其衣食其祿也

君議五者以立政事為不可改易也

今有司來命易臣之署與其車服而曰將

易而次為寬利

下而女也為欲寬利女也

夫署所以朝夕處君命也

言朝

夕者不宜遠也

臣立先臣之署服其車服為利故而易其次

父祖之官也

是辱君命也不敢聞命

言臣不守先臣之職而欲寬利則是辱命之臣也

若罪也

則請納祿與車服而違署

納歸也祿田邑也違去也若臣有罪則請歸祿與車服而去其官也

唯里人

所命次

里人里宰也有罪去位則當受舍於里宰

公弗取臧文仲聞之曰子且孫善守

矣

善守善守職也

其可以蓋穆伯而守其後於魯乎

穆伯文子之父公孫敖也淫乎莒

出奔而死於齊今文子守官不失禮故可以掩蓋其父之惡守其後嗣也

公欲弛卻敬子之宅亦如之

公文公也卻敬子魯大夫卻敬伯之後立孫敬伯同也亦如之者亦謂之欲利子

於外之寬也

對曰先臣惠伯以命於司里

言先臣惠伯受命於司里居此宅也

嘗禘蒸

享之所致君胙者有數矣

秋祭曰嘗夏祭曰禘冬祭曰蒸春祭曰享享獻物也曹唐二君云臣祭致肉於君

謂之致胙昭謂此私祭而致肉非所宜以為辭也致君之胙者謂君祭祀賜胙臣下掌致之也有數有世數也

出入受事之幣以

致君命者亦有數矣

出入謂受使出境入國奉聘幣以致君命者亦於此宅有世數也

今命臣

更次於外

次舍也外里也

為有司之以班命事也無乃違乎

違遠也言

有司以位次命職事於臣臣在外次無乃違遠而不便乎

請從司徒以班徒次公亦不取

司徒掌里宰之

政比夫家眾寡之官也敬子自以有罪君欲黜之故請從司徒徒里舍也

夏父弗忌為宗

弗忌魯大夫夏父展之後也宗宗伯掌國祭祀之禮也

蒸將躋僖公

躋外也賈侍中

云蒸進也謂夏父弗忌進言於公將升僖公於閔公上也唐尚書云蒸祭也昭謂此魯文公三年喪畢禘祭先君於太廟升君羣廟之主序昭穆之時也經曰八月丁卯

大事于太廟躋僖公是也僖閔之兄繼閔而立凡祭祀秋曰嘗冬曰蒸此八月而言蒸用蒸禮也凡四時之祭蒸為備傳曰大事者禘祭也毀廟之主陳於太祖未毀廟

之主皆升合食于太祖躋僖公逆祀也逆祀者先禰而後祖也

宗有司曰非昭穆也

宗有司宗官司事臣也非昭穆

之次也父為昭子為穆僖為閔臣臣子之一例而升閔上故曰非昭穆也

曰我為宗伯明者為昭其次